

Årsmelding 2023

Ikjefjord bygdelag



Styret har i 2023 bestått av:

Tittel		Namn
Leiar i bygdelaget	Styreleiar	Leif Brekken
Styremedlem	Sekretær	Kristin Myren
Styremedlem	Leiar Idrettslag	Torstein Aarnes Solli
Styremedlem	Leiar Ungdomslag	Laila Aarnes
Styremedlem	Bossansvarleg	Steffen Hielscher
Styremedlem	Kasserar	Bjarte Myren
Varamedlem		Norvald Årnes
Varamedlem		Terje Instefjord
Revisor		Veslemøy K. Årnes

Vi har hatt fire styremøter i løpet av året. Samt oppfølging av løpende saker undervegs via messenger og e-post.

Saker det har vore jobba med

Bustadfelt

Det har i år 2023 ikkje vore jobba opp mot byggefeltet. Men eitt hus er under oppføring noko som er svært gledeleg.

Internett



Det har vore mykje problem med nettløysinga i bygda det siste året og. Leveransen av fiber i bygda drog ut, men rett før nyåret begynte entreprenøren å koble til husstandane slik at dei fleste no er kobla til nett med fiber. Dette gjeld området til og med Massnes. Sørevik er med i trinn 2 av utbygging som vi håpar kjem snart i gong. En invest leiger plass til hovudskapet for fiberen til Ikjefjord i grennahuset.

Nytt tak grendahuset



Årets store prosjekt: Vi har hatt ute på anbod legging av nytt tak på nordsida av Grendahuset. Gulen Blikk og Vedlikehald vart valde som leverandør, og dei starta dette arbeidet i vår. Vi har lova å ta hand om avfallet, dette skal vi prøve å få levert på vårryddinga. Det vart i tillegg skifta litt kledning oppe på taket då denne var råtten og måtte vekk, nokre underplater måtte og skiftast grunna vannskade. Odd Midtun var leigd inn av Gulen Blikk og Vedlikehald til å gjere jobben og det gjorde han på ein framifrå måte.




Prosjektet har fått støtte frå Huset i Bygda, Sparebanken Vest, Påskebasaren 2023

Leikeplass



Planlegging av innhald er i gong. Har bestemt størrelse og laga klart trekkerør til feks utelys og ladestasjon elbil. Fått inn tilbod på utstyr som er noko høgt kostnadsmessig. Prosjektet er utsatt, men Kristin og Laila er framleis på saka. Med ein babyboom på gang i bygda blir det nok blåst liv i dette prosjektet i 2024.
Prosjektet har fått støtte frå Sparebankstiftinga, Nærmiljøgruppa på Sørsida, Hydro Velferdsmidlar

Grendahuset elles



Bjarte har montert opp nye lys på veggane i salen i tillegg har han montert opp ny vifte for friskluft, den gamle var ødelagt. Dermed er prosjektet med tiltak for energieffektivisering i grennahuset godt i gong.

Det er også montert ny handikaptolett noko som er viktig for den universelle utforminga av bygget.

Julegate



Vi har fått på plass fleire lys ved grendahuset. Nydeleg stemning i mørketida. Tiltaket gir også eit tryggare miljø for borna som ventar på skuleskyss her.

Dugnad

Det blei gjort ein formidabel innsats på dugnadane dette året, scenen vart rydda både oppå og under var og ein del reparasjoner under scenen både forsterkninger og forbedringar. Garderoben blei og rydda og ting som var ute av bruk blei fjerna. Strøken både scene og garderobe. I tillegg til rydding og vasking av skap, kjøken, vindauge osv. I tillegg blei heile plassen utanfor spylt. Tusen takk til alle som stiller opp!

Inngangsparti



Inngangpartiet er ferdigstilt med ny rampe og fliser. Det manglar rekkverk, men det kjem etterkvart. Her er det berre å gje gass.

Prosjektet har fått støtte frå Huset i Bygda.

Ikjefjord idrettslag

I 2023 har Ikjefjord idrettslag også vert aktive. Tilbodet på styrkestova er blitt utvida med nye vekter og benk, med enda fleire planar om utviding.



På Granden har vi fått nytt utstyr til fellesbruk i frå BUA. BUA-kassen inneheld fotballar, volleyballar, Frisbee og eit assortiment av anna utstyr til bruk i fritidsaktivitetar. BUA kassen og sandvolleyballbana har auka bruken Granden både hjå lokale og tilreisande.

Ikjefjord idrettslag var også med på spleiselaget til ny dagsturhytte på Søreiide som vart opna i november 2023.



GJESTEBOKA

Vi har og hatt eldsjeler som har merka mange turløyper og rydda skog for å gjere dei meir tilgjengelege. I fjor var vi for første gang med i Bjordal/Søreiide IL sitt tursystem, slik at ein kan delta i konkurransen ved å gå på tur i Ikjefjord og. I årrets konkurranse har vi fått lagt inn enda fleire ruter, så ein har enda fleire sjansar til å samle poeng. Håpet er at dette vil føre til ein enda større bruk av naturområda våre. Rutene og informasjon om konkurransen er tilgjengelege på appen Gjesteboka som kan lastast ned på mobil. Årets konkurranse: Trimposten BSIL 2024.

[Last ned Gjesteboka her >>](#)

Aktivitetar Ikjefjord ungdomslag

100 - åringen!

Ikjefjord Ungdomslag blei stifta i 1923 og det dermed var 2023 eit jubileumsår! Me har feira på mange vis, for ein 100-åring fortener noko ekstra. Gjennom mange små og store arrangement gjennom året har vi prøvd å ta vare på fortida, feire notida og forme framtidia!

Kickoff med vaffeldag i biblioteket 23.2

Då er me igang med jubileumsfeiringa. Biblioteket er vår einaste faste møtestad og for å få folk ut av godstolen, lokka me med vaffler. Det virka. Ca 30 stk møtte opp, både til glede for seg sjølv, Liv (bibliotekaren) og vaffelsteikjarane –vinn – vinn. Praten gjekk og eg trur jammen me løyste verdensproblem – godt jobba. Liv Brekken, vår trufaste bibliotekar, heiv seg på jubileumsgaleien og ved påsketider inviterte ho bygda igjen på ”Krim, knask og kaffi”. Det vart kriminelt kjekt!



Påskebasar

Skjærtorsdag med påskebasar; det er ei glede å arrangere denne basaren. Det er ikkje vanskeleg å få folk til å stille for å hjelpe til og resten av folket med tilknytning til bygda møter mannsterke opp. Inntektene frå denne skal i år vere med på å finansiere nytt tak på Grendahuset.

I anledning jubileet hadde vi fått på plass gule jubileums t-skjorter til dugnadsgjengen, så vi var ein knall gjeng i alle aldrar som hjalp til.



I år toppa me det med:

Afterbasar

der innleigd DJ sørga for at me fekk dansa og kosa oss.
Omlag 80 frammøtte og gode tilbakemeldingar gjere at me
er godt nøgde med dette tiltaket.



17. mai feiring



Dagen kom med eit litt grått vær som letta opp utover dagen. Eit godt oppmøte gjorde dette ei verdig feiring av nasjonaldagen. Koldtbord og mylse vart servert og isen fekk føter å gå på. Litt nye og gamle leikar skapte engasjement, latter og moro. Og ikkje minst rebusløp. Ein kjekke dag!

Jonsokfeiring på Granden



Ein fin kveld med bål, grilling, rebus og fint vær. Godt oppmøte

Sommaraktivitet

Ein regnværsdag i juli – kva er betre enn ein aktivitetsdag i Grendahuset for store og små? Her blei det laga hinderløype i storsalen for den yngre garde og ein importert vaffelsteikar sørga for at me ikkje gjekk svoltne heimatt.



Olsok-kveld konsert med Fotefar

KONSERT MED
FOTEFAR

MUSIKK FRÅ 70-TALET OG GODE HISTORIER FRÅ STRILELANDET

KJELL ØSTERBØ OG BJØRN IVAR RUSTEN
KJENDE FRÅ "VINSKAVETTEN"



STAD:
**IKKEFJORD
GRENDAHUS**

DATO:
29.07

KL:
19.00


100-årsjubilanten blir gjort stas på med denne festen. To av bygdas spreke damer laga betasuppe (Herdis og Kårhild), styret dekka bord og pynta salen og sangduoen Fotefar underheldt oss frå scena. Ein av medlemmane i duoen har røter frå Ikkefjord (Østerbø), så dette var stas for både oss og dei. Godt oppmøte, ca 70, og dette var ein kjekke kveld for heile familien. Arrangert i lag med Sørsida pensjonistlag.

Adventsamling 25.nov i grennahuset



Store og små, baking og juleverkstad – oppskrifta på ei koseleg samling. Fleire kom innom når det nærma seg «smaketid»; her var det mykje godt til kaffien! Stemningsfullt når «julegata» blir tent, i år hadde me utvida område med julelys, så grennahuset blei til «julehuset».

Juletrefest med barnedåp 2. juledag



Kunne avslutninga på jubileumsåret bli betre? Det var stor stas; både at det er fødd ei frøken på Østerbø og at ho blir døypt i Grendahuset. Geir Sørebø stod for den kyrkjelege handlinga og sidan det var ei opa hending, møtte mange opp. Etterpå blei juletrefesten igangsett med song og flott pianospel av Boris og det var like før taket letta. Ikjefjordkoret leda an, og forsamlinga stemde godt i. Tre ringar rundt juletreet, rebus og anna lett underhaldning – alle 80 såg ut til å kose seg.

Fredagslunsj

Dette kan vel ikkje direkte seiast å vere IUL sitt arrangement, men kan seiast å vere bygda sin måte å halde felleskapet vedlike. Kvar og ein kan tipse om dette på Ikjefjordsida på fb – kortreist og hyggelig. Ta med mat og drikke og me et lunsj saman – nokon kan ete lenge, andre har kun 30 min pause😊. Det vart fire lunsjar for dei heimeverande, dei med heimekontor og for dei som berre vil møtast. I november hadde Stine, Vilde og Eli Janne hatt ”formøte” og kom med nystekte kjeks og kaker - nydelig - lovar godt for bygdas framtid! Dette var so kjekt at det enda med ein ny Ikjefjording - Tredals-prinsessa blei født dagen derpå.